

"মিষ্টি বাচ্চারা - নিজেরা মিলেমিশে এই কলিযুগী দুনিয়ার দুঃখের বোঝাকে সরাতে হবে, বাবাকে স্মরণের পুণ্য করতে হবে।"

প্রশ্ন :- জ্ঞানের অবিনাশী প্রালম্ব থাকা সত্ত্বেও কোনো কোনো বাচ্চার পুণ্যের খাতা জমা হওয়ার পরিবর্তে কেন শেষ হয়ে যায় ?

উত্তর :- কেননা পুণ্য করতে করতেই তারই মাঝে তারা পাপ করে ফেলে। 'জ্ঞানী তু আত্মা' হয়েও সঙ্গদোষে এসে কোনো পাপ করলে সেই পাপের কারণে কৃত পুণ্যের খাতা শেষ হয়ে যায়।

২) বাবার হয়ে কাম বিকারের চোট খেলে, বাবার হাত ছাড়লে তারা আগের থেকেও অধিক পাপ আত্মা হয়ে যায়। তাদের কুল কলঙ্কিত বলা হয়। তারা অনেক বেশী শাস্তির ভাগী হয়ে যায়। সঙ্গুর নিন্দা করানোর কারণে কোথাও তাদের স্থান হয় না।

ওম্ শান্তি। রুহানী বাবা রুহানী বাচ্চাদের সাথে আন্তরিক কথোপকথন (রুহ-রিহান) করছেন। এ তো আত্মারাই জানে যে আমাদের একজনই বেহদের বাবা, এ তো বাচ্চারা বুঝেই গেছে। লক্ষ্য হলো - মুক্তি আর জীবন মুক্তির। মুক্তির জন্য স্মরণের যাত্রা জরুরী আর জীবন মুক্তির জন্য এই এই রচনার আদি - মধ্য এবং অন্তকে জানা জরুরী। এখন এই দুইই সহজ। এই সৃষ্টির আর ৮৪ জন্মের এই চক্র ঘুরতে থাকে। এ কথা বাচ্চারা তোমাদের বুদ্ধিতে থাকা উচিত। এখন আমাদের এই ৮৪ জন্মের চক্র সম্পূর্ণ হয়ে এসেছে। এখন আমাদের ঘরে ফিরে যেতে হবে। এখন তো কেউই ফিরে যেতে পারবে না কারণ সবাই পাপ আত্মা। পাপ আত্মারা মুক্তি আর জীবনমুক্তিতে যেতে পারবে না। নিজের মনে এমন এমন বিচারই করতে হবে। যে করবে, সে-ই পাবে আর খুশীতে থাকবে তথা অন্যদেরও খুশীতে রাখবে। বাচ্চারা তোমাদের কৃপা বা দয়া করতে হবেসবাইকে রাস্তা বলে দেওয়ারবুঝতে হবে তোমাদের আত্মা সত্বপ্রধান থেকে তমোপ্রধান হয়ে গেছেএই কারণে ফিরে যেতে পারে না। মানুষ ডাকতেও থাকে হে পতিত - পাবন, বাচ্চারা জানে যে এখন পুরুষোত্তম সঙ্গম যুগ। এও কারো ভালোভাবে মনে থাকে কারো আবার মনে থাকে না। মুহূর্তেই ভুলে যায়। কিন্তু তোমাদের যদি সঙ্গম যুগ স্মরণে থাকে তাহলে খুশীর পারদ চড়তে থাকবে। শিক্ষক রূপে বাবাকে স্মরণে রাখলেও খুশীর পারদ চড়তে থাকবে। কারো বড় বিঘ্ন আসে কারো আবার ছোটো বিঘ্ন। বিঘ্ন তো আসেই। কেউ কেউ ওপরে গিয়ে আবার নীচে এসে যায়। কারো অবস্থা খুব ভালো হলে মনে স্থান পায় আবার নীচে এসে গেলে কামাই কমে যায়, যেমন দুনিয়াতে দান পুণ্য করার কারণে মানুষ পুণ্য আত্মা হয়। আবার পুণ্য করতে করতে পাপ করতে শুরু করলে পাপ আত্মা হয়ে যায়। বাবাকে স্মরণ করলেই তোমাদের পুণ্য হবে। এই স্মরণের দ্বারাই তোমাদের আত্মা পুণ্য হয়। তাই যদি বাবাকে ভুলে যাও, অন্যের সঙ্গ হয়ে যায় তাহলে অনেক পাপ করার কারণে যা কিছু পুণ্য করেছ সব শেষ হয়ে যায়। বোঝোআজ যদি দান পুণ্য করে, সেন্টার খোলে, কাল আবার মুখ ফিরিয়ে নেয় তখন আগের থেকেও বেশী নেমে যায় কেননা পাপ করে ফেলে, তাই না। তখন সেই খাতা জমার বদলে খরচ হয়ে যায়। আগে কতই না সেবা করত, বলার নয়। তারপর একদম পড়ে যায়। বিয়ে করে নেয়। আগের থেকেও খারাপ হয়ে যায়। পাপ করার ফলে সেই পাপের বোঝা চড়তে থাকে। এ হল লাভ আর ক্ষতির হিসেব কিন্তু এই বিষয়কেও কোনো বুঝদারই বুঝবে। পাপও কম বা বেশী হয়। কাম হলো সবথেকে বড়, ক্রোধ দ্বিতীয়, লোভ তার থেকে কম, মোহ তার

থেকেও কম । নম্বর অনুযায়ী হয় । কামের চোট খাওয়ার ফলে লাভের পরিবর্তে লোকসান হয়ে যায়, কারণ সঙ্গুরুর নিন্দা করলে তার আর কোথাও স্থান হয় না । সে মন থেকে নেমে যাবে । বাবার হয়ে বাবাকে ছেড়ে দিলে তার কর্মের ওপরও প্রভাব পড়ে । এর কারণ কি ? চলতে পারল না । বেশিরভাগ এই কামের চোটই বেশী হয় । এটাই হল প্রধান শত্রু । কবে শুনেছ যে ক্রোধের কুশপুতলিকা দাহ করা হয় । না তা হয় না । কামীদের বানানো হয় । তাদের রাবণ মনে করা হয় । বাবা বলেন ...কামের ওপর জয়লাভ করলেই জগতজিত হতে পারবে । সম্পূর্ণ হেরে বসে আছে তাই জিতের বদলে হার হয়ে যায় । বাবাকে ডাকতে থাকে হে পতিত পাবন এসো, কামে খুব পীড়িত হই । তারপর বলে বাবা, মুখে চুনকালি লাগিয়ে দিয়েছে । বাবা বলেন ...তোমরা তো কুলের কলঙ্ক । ক্রোধ বা মোহের জন্য এমন বলবে না । সমস্ত কিছুই কামের ওপর । ডাকতেও থাকে ...হে পতিত পাবন এসো । বাবা এসেছেন তবুও পতিত হলে বাবা কি বলবেন । সাধু - সন্ত ইত্যাদি ডাকতে থাকেহে পতিত পাবন এসো । অর্থ কেউই বোঝে না । কেউ কেউ আবার মানে যে হ্যাঁ তিনি আসবেন যিনি নতুন দুনিয়া স্থাপন করবেন । কিন্তু অনেক লম্বা সময় দেওয়ার ফলে ঘোর অন্ধকারে পড়ে গেছে । জ্ঞান আর অজ্ঞান দুইই আছে তাই না । বাবা বোঝান যে ভক্তিতে তোমরা যার পূজা করো, তাঁকে জানোই না তাহলে সেই ভক্তি কোন্ কাজের ? না জানার কারণে যা কিছুই করো তা নিষ্ফল হয়ে যায় । মানুষ ভাবে যে দান - পুণ্য করলে ফল পাওয়া যায় । কিন্তু সে হলো অল্পকালের জন্য, কাক - বিষ্ঠার সমান সুখ । সন্ন্যাসীরাও বলে থাকে যে দুনিয়াতে যে সুখ পাওয়া যায় তা কাক বিষ্ঠার সমান, বাকি সমস্তই দুঃখ আর দুঃখ । বাবা বলেন যে মামেকম (আমাকে) স্মরণ করো তাহলেই তোমাদের সব দুঃখ দূর হয়ে যাবে । বিচার করো যে তোমরা কতক্ষণ স্মরণ করো । যাতে পুরানো হিসাব শেষ হয়ে যেতে পারে আর নতুন জমা হতে পারে । যে যত খুশী জমা করতে পারে, এতে ধন ইত্যাদির কোনো কথাই নেই । এ হলো পাপ কি করে মিটেবে ? মূল বিষয় হলো পবিত্র হওয়ার । এমন ভেবো না যে বাবাকে লিখে দিলেই জন্ম - জন্মান্তরের হিসেব শেষ হয়ে যাবে । জন্ম - জন্মান্তরের পাপের বোঝা তো অনেক । সেইসব দূর হয় না । এই জন্মে যা করেছ তা হালকা হয় । বাকি তো অনেক পরিশ্রম করতে হবে । যত স্মরণে থাকবে তত পাপের বোঝা হালকা হতে থাকবে । কোনো কোনো বাচ্চা অনেক পরিশ্রম করে । বহু মানুষকে পথ বলে দেয় । ৮৪ জন্মের চক্র বুঝিয়ে বলে । এই জন্মের হিসেবকে তোমরাই জানো । হিসেব করো কতো যোগবল আছে, আমাদের কখন জন্ম হবে ? সত্যযুগ আদিতে কি হতে পারবে ? যারা অনেক পুরুষার্থ করবে তারাই সত্যযুগ আদিতে জন্ম নিতে পারবে । সে খোড়াই লুকানো থাকবে । এমন ভেবো না যে সবাই সত্যযুগে আসবে । কেউ তো শেষের দিকে এসে অল্পকিছু জ্ঞান নিয়ে নেয় । যারা অনেক বেশী কামাই করে তারা তাড়াতাড়ি আসে । কম কামাই করলে দেবী করে আসে তাই বাবাকে তো খুব স্মরণ করা চাই আর এ হলো খুবই সহজ । যে খুব ভালোভাবে স্মরণ করবে তার খুশী থাকবে । আমরা খুব তাড়াতাড়ি নতুন দুনিয়াতে আসবো । রাজা হতে গেলে প্রজাও তো তৈরী করতে হবে । প্রজা না বানালে রাজা কি করে হবে ? কেউ সেন্টার খোলে । তার তো অনেক কামাই হয় । লাভ হলে ২ - ৩ টি সেন্টারও খুলে ফেলে । সেন্টার তো বাবাও খুলতেন । যারা (সেবা) করে তাদের হিসাবও (জমার) এর মধ্যে এসে যায় । তোমরা সকলে মিলে এই দুঃখের বোঝাতে দূর করো । অনেককে সাথে পাবে । কারণ হিসেবও সবারই এসে যায় । যত পরিশ্রম করবে ততই উঁচু পদ পাবে । তার খুশীও অনেক হবে । দেখা হয় যে -- কতোজনের উদ্ধার করেছ । সেবা খুব ভালো করতে থাকে । মাঝ্মাকে উদাহরণ স্বরূপ দেখানো হয় । মাঝ্মা অনেক ভালো সেবা করেছিলেন তাই তাঁর কতো কল্যাণ হয়েছে । মুখ্য বিষয় হলো সেবার । যোগও তো একধরনের সেবা । নির্দেশও মিলতে থাকে । কিভাবে স্মরণ করবে । এই বিন্দুর

রহস্যও বাবা এখন বুঝিয়েছেন। ভবিষ্যতে তিনি আরো শোনাবেন। দিন প্রতিদিন উল্লসিত হতে থাকবে। পয়েন্টসও তোমরা পাও, খুব শক্তও কিছু নয়। আবার সহজও নয়। যারা এই সেবায় তৎপর, তারা চট করে পয়েন্টস ধরে ফেলে। যারা সেবাকাজ করে না তাদের বুদ্ধিতে কিছুই বসে না। বিন্দু - বিন্দু বলতে থাকে কিন্তু কিভাবে সেই বিন্দুকে স্মরণ করবে, কিভাবে বিন্দুকে দেখবে, এ খুবই সহজ কথা। কোনো বিন্দুকে সামনে রেখে খোড়াই স্মরণ করতে হবে। এ তো বোঝার কথা। আত্মা কতো ছোটো বিন্দু। আত্মার নাম, রূপ, দেশ, কাল কেউই বলতে পারে না। পরমাত্মার সম্বন্ধে জিজ্ঞেস করে -- তাঁর নাম, রূপ, দেশ, কাল কি? অবুঝ মানুষ না আত্মাকে জানে, না পরমাত্মাকে। এখানেও এমন আছে যারা সম্পূর্ণ ভাবে জানে না কেবল বাবা - বাবা করতে থাকে। কোথায় জ্ঞান ধারণ করে? কোনো সেবাই করে না। কেবল খেতেই থাকে। যেমন সন্ন্যাসীদের মধ্যেও অবধূত থাকে, যারা কিছুই করে না কিন্তু খেতে থাকে। বাকি সন্ন্যাস ধারণ করেছে, বিকার মুক্ত হয়েছে, এও কম কথা নয়। সন্ন্যাসীদের ধর্ম হলো আলাদা। এই জ্ঞান হল বাচ্চারা, তোমাদের জন্য।

বাবা বোঝান যে তোমরা পবিত্র পবিত্র ছিলে, এখন অপবিত্র হয়ে গেছ। তোমরাই ৮৪ জন্মের চক্র সম্পূর্ণ করেছে। এই কথাও মানুষ বুঝতে পারে না। ভক্তি সম্পূর্ণ আলাদা এবং জ্ঞান সম্পূর্ণ আলাদা। রাত - দিনের তফাত। তোমরা জানো যে আমাদের পুরুষার্থের দ্বারা লক্ষ্মী - নারায়ণের তুল্য হতে হবে তাই এই শ্রীমতে সম্পূর্ণ চলতে হবে। পরিশ্রম তো আছেই। বাকি এই রোগ - ভোগ তো চলতেই থাকবে। এই নিদর্শন অল্প অবধি চলতেই থাকবে। এরপর সব হারিয়ে যাবে, তারপর কোনো দুঃখই আর থাকবে না। বাবাকে বলাই হয় দুঃখহতা আর সুখকর্তা, হে উদ্ধারকর্তা, দয়া করো, তখনই সব দুঃখ থেকে মুক্ত হয়ে যায়। দুঃখেই মানুষ অনেক স্মরণ করে। হে প্রভু, হে রাম, দুঃখের সময় সকলেই বলবে - ভগবানকে স্মরণ করো। কিন্তু ভগবান কে - সেই কথা কেউ জানে না। কেবল বলবে - গড ফাদারকে স্মরণ করো। খুদাকে স্মরণ করো। তোমরা তো খুব ভালো করে জানো যে তিনি আমাদের বাবা। বাবাই শেখান, নিজেকে আত্মা মনে করে আমাকে স্মরণ করো। ভক্তিমার্গে এমন কথা কি কখনো বলবে যে নিজেকে আত্মা মনে করে বাবাকে স্মরণ করো। না এমন বলবে না। কতো প্রকারের অগণিত ভক্তি আছে। জ্ঞান হল এক। মানুষ ভাবে যে ভক্তির দ্বারাই ভগবানকে পাওয়া যাবে। ভক্তি কবে থেকে শুরু হয়েছে আর কারা সবথেকে বেশী ভক্তি করেছে? এ কেউই জানে না। টানা ৪০ হাজার বছর কি ভক্তি করতে থাকবে? কত পর্যন্ত ভক্তি করবে? এখন তোমরা জানো যে এতো পর্যন্ত ভক্তি চলে আর এত পর্যন্ত জ্ঞান চলে। ভক্তরা জানে না, তাই তাদের জানানোর জন্য এত প্রদর্শনী ইত্যাদি করা হয়। এই প্রদর্শনীর থেকেও কোটির মধ্যে কয়েকজনকে পাওয়া যায়। ভবিষ্যতে আরো অনেককে পাওয়া যাবে। এখানেও কত মানুষ আসে। তোমরা কত অল্প, যারা প্রকৃত ব্রাহ্মণ এবং পবিত্র থাকো, যারা অনিয়মিত তারা আসবে। কিন্তু এই হিসেবও বের করা যায় না যে প্রকৃত ব্রাহ্মণ কজন? অনেক মেকিও আছে। ব্রাহ্মণদের কাজই হলো কথা শোনানো। বাবাও তো কথাই শোনাতে। তোমাদেরও কথা শোনাতে হবে। যেমন বাবা তেমন বাচ্চারা। বাচ্চাদের কাজই হলো গীতা শোনানো। কিন্তু সবাই কোথায় শোনায়? তোমরা জানো যে জ্ঞানের পুস্তক হলো একমাত্র গীতা। এই হলো সর্বশাস্ত্র শিরোমণি, এতেই সব আছে। গীতা হলো আমাদের মা - বাবা। বাবা এসেই সবার সঙ্গতি করেন। এও লিখতে পারো যে শিববাবার জয়ন্তী হলো হীরে তুল্য। বাকি সকলের জয়ন্তী হলো কড়িতুল্য। বাবাকে তো সবাই স্মরণ করে। কলিযুগী মানুষরা সত্যযুগী দেবতাদের পূজা করে। তাদের এমন কে বানায়? এক বাবা। তবে এও তারা বুঝবে যারা খুব ভালোভাবে এই জ্ঞানকে বুঝতে পারবে। সঠিকভাবে কেউ বোঝায় না।

বাবা বলেন আমার কোনো কোনো বাচ্চা নতুন পৃথিবী গড়ার পরিবর্তে ধ্বংসের কারণ হবে । মহারথী, ঘোড়সওয়ার, পেয়াদা সবাই তো আছে । তাহলে পেয়াদারা কি করবে ? তারা লেখাপড়া জানাদের সামনে মাথা নত করবে । আর যারা মাথা নত করবে না, পড়বে না বা পড়াবে না তাদের কি বলা হবে ? উট পাখি । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) বাবা হলেন বিন্দু, এই বিষয়টিকে যথার্থ মনে করে বাবাকে স্মরণ করতে হবে । বিন্দু - বিন্দু বলে দ্বিধাগ্রস্ত হয়ে যেও না । সেবায় তৎপর থাকতে হবে ।

২) প্রকৃত গীতা শুনতে আর শোনাতে হবে । প্রকৃত ব্রাহ্মণ হওয়ার জন্য পবিত্র থাকতে হবে । নিয়ম করে অবশ্যই পাঠ পড়তে হবে ।

বরদান :- নিজের শ্রেষ্ঠ কর্মরূপী দর্পণের দ্বারা ব্রহ্মা বাবার কর্মের দর্শন করিয়ে বাবার সমান হও ।

এক একজন ব্রাহ্মণ আত্মা, শ্রেষ্ঠ আত্মা প্রতিটি কর্মে হলে ব্রহ্মা বাবার কর্মের দর্পণ । ব্রহ্মা বাবার কর্ম যেন তোমার কর্মে দর্পণ হয়ে দেখা যায় । যে বাচ্চা এতটা অ্যাটেনশন রেখে প্রতিটা কর্ম করে, তার চলন, বলন, ওঠা, বসা সবই ব্রহ্মা বাবার সমান হয় । প্রতি কর্মই তার বরদানযোগ্য হবে, মুখ থেকে সর্বদা বরদানই বের হবে । তখন সাধারণ কর্মেও বিশেষত্ব দেখা যাবে । তাই এই সার্টিফিকেট নিলেই বলা হবে বাবার সমান ।

স্লোগান :- অব্যক্ত স্থিতির অনুভব করতে হলে বহিমুখিতা ছেড়ে অন্তর্মুখী একান্তবাসী হও ।